



## ALANG SA MGA BATAN-ON

### Naluwas Gikan sa Nagkalayong Hudno!

**Instruksiyon:** Himoa kini sa dapit diin imong masentro ang imong hunahuna sa imong gibasa. Samtang basahon ang mga teksto, handurawa nga tua ka didto. Palandongang ang esena. Paminawa ang ilang panagsultianay. Ibutang ang imong kaugalingon sa ilang kahimtang. Himoang buhi sa imong hunahuna kining asoya.

**Pangunang mga karakter:** Sadrak, Mesak, Abednego, ug Nabucodonosor

**Sumaryo:** Nasulayan ang pagtuo sa tulo ka batan-ong Hebreohanon.

#### ① ANALISAHA ANG ESENA.—*BASAHA ANG DANIEL 3:1-30.*

Hubita ang mga tingog nga imong “nadungog” sa dihang nagbasa sa bersikulo 3-7.

Unsa kahay hitsura sa nagkalayong hudno?

Unsang mga emosyon ang imong namatikdan sa tingog ni Nabucodonosor samtang iyang gimando nga painiton ang hudno ug pito ka pilo nga labaw pa kay sa naandan? (*Basaha pag-usab ang bersikulo 19 ug 20.*)

Hubita ang dagway sa ikaupat nga lalaki diha sa hudno. (*Basaha pag-usab ang bersikulo 24 ug 25.*)

Unsang mga hiyas ang imong namatikdan kang Sadrak, Mesak, ug Abednego samtang nakig-estorya sila kang Nabucodonosor sa bersikulo 16-18?

#### ② PAGSUSI PAG DUGANG.

Sayra ang sukod sa usa ka kubiko, ug dayon kalkulaha ang gidak-on sa larawan nga gihimo ni Nabucodonosor. (*Basaha pag-usab ang bersikulo 1.*)

Sa pagtandi sa bersikulo 19 ug 20 sa bersikulo 28 ug 29, unsang matanga sa pagkatawo si Nabucodonosor?

**3 IPADAPAT ANG IMONG NAKAT-ONAN.  
ISULAT ANG IMONG NAKAT-ONAN  
BAHIN SA . . .**

Pagtahod niadtong anaa sa awtoridad. \_\_\_\_\_

Kahinungdanon sa pagbarog dapig sa imong  
gituohan. \_\_\_\_\_

Pagpaluyo ni Jehova panahon sa pagsulay. \_\_\_\_\_

**ALANG SA DUGANG NGA KAPADAPATAN.**

Sa unsang kahimtang lagmit masulayan ang  
imong pagtuo? \_\_\_\_\_

Sa unsang paagi ang asoy bahin kang Sadrak,  
Mesak, ug Abednego motabang nimo sa pagpa-  
biling matinumanon? \_\_\_\_\_

**4 UNSAY NAGUSTOHAN NIMO PAG-AYO  
NIINING ASOYA, UG NGANO?**

